

文潞公文集

閩錫山書齋



(一)

山西省文獻委員會編

山右叢書初編

趙戴文題



編校姓氏

山西省文獻委員會總裁

閻錫山 百川

副總裁

趙戴文 次臨

徐永昌 次宸

常務委員

郭象升 允叔

馬駿 君圖

陳敬棠 芷莊

委員

賈景德 煜如

張友桐 曉琴

常贊春 子襄

狄樓海 觀滄

李鏡蓉 亮工

陳受中 乙和

邵修文 竹琴

陸近禮 恭齋

高時臻 福齋

李尙仁 綢卿

甯超武 子高

賈昭德 宜之

徐鴻寶 森玉

任晰 亮裁

常乃憲 燕生

趙正楷 法真

方聞 彦光

顧問
編纂

田九德 玉如

原士才 石民

總幹事

于萬河 霞裳

幹事

焦陽三 養三

范士元 周君

常乃純 价中

校對

武敘疇 洪九

陳秀彥 元生

郭長民 漢鼎

邢淵經 伯涵

劉受福 百之

刊文潞公集略序

潞國忠烈公文寬夫集凡四十卷蓋其少子維申討求追輯以成帙而葉尙書少蘊所爲序行者也然今板本不傳久矣沁水李司徒公叔淵家有抄本字多差訛他日巡按山西潛江初公啟照命栴校刊司馬文正公集李公曰文公集亦不可以莫之傳也乃以其本付解州栴得而校正其十七八焉初公遂命平陽守王子公濟刊木以行嗟乎公之集誠不可以莫之傳也栴常謂文行無二道知行惟一理其知真者其行至其行高者其文實公方兒時已有取毬之智及令翼日卽用李本之策報在不言德如丙吉祈宿殿廡勇若樊噲爲相賢於夢卜上踰傳說知軍敏於錢穀下陋周勃唐介一劾不惟與之同升其子亦至集賢李稷一侮不惟使之八拜其父亦且死感沮汪輔之以出御批真臥護比門之體抑夏竦以助明鎬得討伐貝州之策卽更張而諷安石或結社而請司馬故契丹北狄亦稱天下之異人洛陽士庶乃立資聖之生祠蓋公天性忠誠

器度宏深既略且果亦重而安是以臨事風生即物有方故其所著典冊章奏辭賦歌詩凡以發所行耳觀者就其爲人求之斯刻者之意也

嘉靖五年秋七月賜進士及第平陽府解州判官前翰林院脩撰經筵講官高陵呂柟序

石林葉氏字略曰公平生所爲文章上自朝廷典冊至於章奏議論下及詞賦歌詩閒適之辭世猶未盡見兵興以來故家大族多奔走遷徙於是公之集藏於家者散亡無餘其少子維申稍討求追輯猶得二百八十六篇以類編次爲畧集二十卷而屬某爲序噫公之所謂文者遠矣重德偉度足以鎮服四夷精識遠慮足以錯綜萬務博聞強識足以貫通九流讜論嘉言足以弼成百度世之區區事其語言以一藝自名者未足以論公也公未嘗有意於爲文而因事輒見操筆立成簡質重厚經緯錯出譬之賁鼓鏞鐘音節踈緩雜然並奏於堂上不害其與嘒嘒簫韶舞百獸而諧八音也昔韓愈論于頔之文曰變化若雷霆浩汗若江河正聲諧韶濩勁氣沮金石頔何足以當之其公之謂歟

文潞公文集卷第一

山右叢書初編

古賦

聖駕幸太學賦

并序

國家以寰宇昭泰仍歲登平務恢儒風以章示黎獻皇帝乃備法駕幸于太學
詔諸儒博士講論前典親臨聽焉臣獲逢休吉之期恭聞偉盛之事舞蹈不足
形於賦詠誠不能述宣上德褒讚形容姑第樵夫之談以協擊轅之韻爾詞曰
炎宋受命之四葉皇上御極之三年九有成若六合晏然黎庶躋于壽域文教
燭乎冰天朝無闕政野無遺賢九叙可歌而不紊百官承式以惟虔刑罰幾措
宿澍不愆荒憬清夷而偃革狙獷慄慄而慕羶軼漠踰沙趣藁街者有萬受纓
請吏伏魏觀者且千碧磬文鉞之珍充何乎儲邸黑章肉角之獸馴擾乎郊阡
吉祥麇集異瑞蟬聯天降甘露地出醴泉語鴻烈則超圖而益牒較盛時則裕
後而光前宜乎優游當宁拱默承乾尙乃惕嚴衷而馭朽思嘉謨而涉淵以爲

治國之道校學爲先故周氏東膠往誥之所顯商人右學來葉之以傳上既行則民胥效也君所令則臣必從焉雖平昔之已務在于今之益宣於是命有司涓良日祓儀盛葢法駕乃出天威穆穆國容皇皇采章煥爛和鑾鏗鏘太史協樂以前導大丙弭節而徐翔嚴羽衛歷康莊在浚之都於國之陽神移斗運乃至於上庠宸心虔輦天步高驪歷階逾闥覩奧窺堂睇將聖兮有穆如悉數兮相當然後趣講室明典章纓綬匝序巾卷充廊鉅儒碩生奉帙而在列禮官博士掌嫻而詔王展東面之殊禮法西周之舊章禹聽謠審堯聰益詳夫子善言由茲而不昧虞舜好問於是乎有光

時宜諸直講
臣講魯論

于時閭閻相歡民靈胥喜扶

老携弱自遐及邇莫不連踵而憬集駕肩而戾止悉雲委於橋門盡堵觀於壁水粵有華顛胡老童牙胄子含經味道之流方領高冠之士咸相與而言曰赫赫胥遠而大庭尙矣無得稱焉不可詳已自夫五帝而降三王之始書契可以傳聞憲章可以追擬悉皆恢雍泮之基盛膠庠之趾四術四教因是而興三行三

德所由而起是故醇化丕隆至德逾美爲萬世之所宗彌億載而罕比邠金之後蓋不足紀當塗寤寔典午淪弛南取島夷之譏北貽索虜之耻干戈於是日尋俎豆以之中圯咸不永於卜世但胥循於覆軌逮乎有唐皇維誕張五室之儀兮絕而復嗣四郊之制兮抑而復揚置序于術建塾于鄉家知禮讓民用和康所以卜年久而享國長號治古而振懿綱朱石之際鼃聲閨位覆亡則曾不暇給學校則誠非擬議噫大道不可以終否斯文不可以久墜故昊天命我太祖掃除僭僞俾萬方無墜炭之勞百姓有息肩之地三后繼明百祥還至展云岱之鴻儀紹元封之故事盛德大業固無與二今我皇上克奉先烈資紹慶基體元則大累洽重熙將使儒風寢盛文教日滋故乘輿親視於學俾億醜預覘其儀足鄙元鼎之間屢有甘泉之幸堪譏延熹之際惟尙濯龍之祠夫然則三代之風必能緩步而越矣兩漢之盛豈可並日而論之偉乎軌跡夷易文物歲襲信千載而一時

金苔賦 并序

王嘉拾遺記曰晉惠帝初有祖梁國獻金苔其色如金聚之如卵投水中則蔓延於波上光生照日上於宮中鑿池以置之常觀焉外人莫得是也惟進御嬪綵多被其賜與置於盤中則照耀滿室故宮中亦呼爲夜明苔僕頗異之因爲斯賦追其美詞曰

伊兩儀之高厚育萬彙兮紛紜嘉金苔之有益窮古史而未聞出於祖梁之國獻諸典午之君其爲狀也色掩損山光分化鵲非沃壤之可植向華池而自託精氣所爲衆口難鑠色焜朝日寧同沈郎之錢根覆輕瀹豈羨陳王之閣如賜郭釜難藏陸橐榮流荇而細細繚舒荷而漠漠爍堂上之江籬沮洲中之杜若風團而或謂能鑄浪颭而多虞自躍游雷臨睨疑抵營池之鼃出震誤觀常歌漢液之鸛所謂麗水非云滿堂東籬之菊兮瞻我而失色北堂之萱兮對吾而不芳葳蕤頗盛蔓延上聲彌長緝作水衣海上濯吉光之服梳爲石髮舟中見黃

頭之即伊詭異之餘狀非名言之罄量宜乎首出庶彙超蘭掩蕙將藥友以荃
交使蘋興而藻隸雖薙氏之務去兮不我芟夷縱騷人之善咏兮莫吾擬議噫
昔產遐陬常依異類既作貢於大國遂見珍於中地唯皇居之必蓄依圓海而
是置自遠成美以少爲貴非世俗之或覩豈几品之能譬其或長樂清閒承光
秘邃翠華黃屋宵遊夕憩春霄宮之鳳腦曷聘輝光咸陽庫之蠙鱗皆從擯棄
置吾於隆棟之下則午夜而昕升我於文石之前則重昏而燧偉乎哉苔之爲
狀也亦以異苔之爲用也亦以至然不能方屈軼效靈蓍指邪斥佞兮清君之
側釣深索隱兮決人之疑此無所取又將焉爲徒能隨波瀾而上下與蒲稗而
因依輝煌禁籟賜錫壺闡悅目兮媼官侈心兮嬪妃南風之蕩兮豈率循於四
德正度之荒兮遂曠弛於萬機是致永熙永嘉之蕩析劉耀劉聰之傾逼玉輦
播遷金行否塞蟠龍據虎雖別王於偏方封豕長蛇恣吞噬於中國萬戶蒿榛
千門荊棘金苔亦陷於羯胡深可爲之太息

律賦

省試諸侯春入貢賦

天下侯國
春入方物

聖啟洪緒君臨博天侯國之辨方有要王春之入貢照宣列爵正儀謹奉藩而立制建宣協序致任土以居先稽芳載於禮經仰徽名於帝者諸侯述職以無曠太史奉時而可假以謂惟王建国我則叙五等於域中與物爲春我則任九貢於天下徒觀夫爵分顯父位列元侯當時是綬管順煦和之美皇祇布發生之休震方之善氣潛道長樂之洪儀聿脩帝容執瑁以端拱臣節奉璋而告猷旅幣郡方咸奉舜班之瑞充庭萬品皆分禹別之州但見雲布封疆綺分邦域故我當歲首以入用致坤珍而罔忒巽風和令導傳臚之九賓遲日當陽麗執玉之萬國豈不以辨九土者當貢首匹序者上春蓋將備物宜於時育助邦光之日新龜納江沱之錫磬浮泗水之濱齒革羽毛以偕至球琳琅玕而畢陳三品良金子以向履端而執贄五都奇貨予以當獻歲而效珍莫不名物森羅衣

纓雜襲雖厚篚以斯備在庶邦而允集此春也需於皇澤當鄒律之均溫彼貢也錯於地財異楚茅之不入彼來宗者夏之禮制獻功者秋之典章曷若謹歲貢以備物慶春祺之載陽諒脩時而貢職乃辨物以居方備于蕃于宣之儀皇皇輯瑞當載生載育之候濟濟來王故聖人灼叔聲明光昭文物懿公侯之隆盛充貢賦之繁蔚屬后王布和之辰獻國珍而罔咈

省試青圭禮東方賦

修舉春祀
崇尚圭薦

青惟五色之首圭乃六器之儔朝日之郊是薦迎春之禮聿脩結綠鴻輝既肅陳於震位出藍美質將仰奉於神休原夫穀旦前諏祲威具舉太史先春而必告宗伯庀職而攸叙青圭之秘寶爰資蒼帝之明靈可佇謂物生有象我則銳其質以協室謂歲起於東我則儻其方而得所無瑕可貴有美惟珍配其色表盛德之在木正其位彰與物以爲春異彫楮之奇文琢二奚取倅剪桐之秀彩寅位斯陳詎止溫其寧專瑟彼成形自表於瑰器致用必先於瑟祀色斯舉矣

俯玉按以相鮮禮以行之背金方而致美豈不以標十德者圭爲貴列四序者
春是崇將順時而展禮故辨方而在東葱蘢呈恣稟粹自輝山之石虔恭致薦
逆釐從解凍之風然則爲噐之用不同禮神之功可尙名參月邸之義色異因
方之狀縹華中秘生成之氣候斯迎紺綵外融溫厚之方隅相向懿哉享茲生
物之主異彼迎秋于西神感而登禮必荅時和而迓衡不迷用可重焉且異舜
班之瑞文爲貴也還殊禹錫之圭故得鴻覆降康太庭錫羨祈民福以昭格授
人時而於變蓋由以方圭摠翠之美欸青郊而可薦

焚雉頭裘賦

珍異之服
焚去無取

晉武帝以德繼惟睿功齊乃神焚雉裘而崇儉負鳳屣以臨民化被元元必被
先王之服燔茲楚楚蓋除希世之珍原夫聖澤遐敷皇風廣被當百度之攸敘
見萬邦之從乂諸侯述職既息貢於瑰奇獷俗賓王亦咸輸於珍異伊彼程據
當茲盛時庶爲臣之美矣必竭節以事之由是製此雉裘將充乎任土之貢獻

諸龍陞爰陳乎執帛之儀徒觀其麗彩鮮明爛花彬郁彌縫皆自於藻翰制作
遂成於珍服異王恭之鸛鹄但取清奇殊李兌之貂裘惟彰溫燥帝乃念茲至
巧命以俱焚慮淫靡之下瀉薄俗恐奢華之上惑明君俄委燎原之勢遂同有
齒之文紅焰初騰漠漠而漸成餘燼青煙欲斷依依而尙藹微芬然後珍怪罔
求姦邪悉去六合咸歸於儉德萬化永安於鴻緒雖斯裘之甚美焉能衣之以
奉天且厥用之至繁豈可被之而當宁若然則聖政敷於九有帝德合於三無
闡易俗移風之道遵還淳返朴之途雖文帝之罷露臺尤難並矣縱武皇之焚
甲帳未可同乎則知德不廣無以化蚩蚩之氓儉不崇無以成蕩蕩之主故焚
裘之可美在去奢而有取既著美於一時遂流芳於千古者也

汾陰出寶鼎賦

皇漢之道
神鼎斯出

至德昭彰炎靈道昌當汾陰而展禮見寶鼎以呈祥有感則通表承乾之穆穆
爲時而出彰負屨之皇皇昔孝武以運繼東周位崇西漢居尊克務於兢業臨